

مُشَاطِقَاتُ

۱۳۲۶

درسمادنده باب عالی جاده-سند
اداره مخصوصه
محل اداره :

انجمن :
مسکمره موافق آثار جدید مع المکتوبه
قبول اوتور
درج ابدلین آثار احاده اولغاز

دین، فلسفه، ادبیات، حقوق و علوم دین باحث هفته لاق رساله در

درسمادنده نسخہ سی ۵۰ پاره در

قیرلہ دن مقوا بورو ابلہ کوندریلیرسه سنوی
۲۰ فروش فضله آلنیر

درسمادنده پوسته ابلہ کوندریلیرسه ولایات بدلی اخذ اولنور.

مؤسسلری : ابوالعلا زین المابدین - ح . اشرف ادیب

تاریخ تاسیسی :
۱۱ محوز ۳۲۴

سنه لکی	القی آیانی	درسمادنده
۶۵	۳۰	ولا یاتده
۸۰	۴۰	مملک اجنبیه ده
۸۰	۴۰	

ایکنجی جلد

۴ صفر ۳۲۷ پنجشنبه ۱۲ شباط ۳۲۴

عدد : ۲۷

نجائب قرآنیہ

سورۃ انبیاء : آیت - ۳۰

« اولم يرالذين كفروا ان السموات والارض كانتا رتقا ففتقناهما وجعلنا من الماء كل شيء حي افلا يؤمنون »

[صانع تعالی و تقدس حضرتلری ، الوہیتدہ استقلالہ و جمیع ماسوی اللہک تحت ملکوت ربانیدہ مقہور و مغلوب اولدیغنه دلالت ایدن آیات تکوینیدہ تامل و تدبر خصوصہ تقصیر ایدلری بوندن طولانی نجهل و تقبیح ایدرب شویله بیوربور] کفر و انکار ایدلر کورمدیلری [معلومات واقعہ لرینہ نظراً کورمش کی بیلدیلری] کہ سماوات و ارض ملتحم و ملتزم ایکن زائلری بری برندن آردق و هرزنده شئی [مرذی حیاتی] صودن یارآدق . [بوکیفیلر حق تعالی حضرتلرینک وجود و عظمتہ دلیل واضح ایکن انلر] ینہ ایمان ایتلرلی [بورالری ندر ایدلرک خالق تعالی و تقدس حضرتلرینک عظمت و نفردینی معترف اولمازلری] سلسلہ اطلاعات علمیہ نی ازلہ طوغری کوتورن برنکرشو اجرام جسمینک بری برندن افتراقیدہ برید قدرت و ایجادی علناً مشاہدہ ایدر . هله شومنیج حیات اولان آبدہ قدرت علیہ نہ قدر ظاہر و باہر .

ص

بومادہ سیالہ ، بوسر سربسہ حکمت ذہن بشرہ نہ عظیم معنی القا ایدیور ! شو اوقیانوس ، شو قاموس محیط ربع مسکونی چپ چورہ هر طرفدن قوشاتمش وید قدرتہ آجیلان مدخللردن قطعات ارض ارہ سنہ صوقولمشدر .

بونه افسون کہ مشیئہ عدمدن ساحہ پیرای هستی اولان هرذی حیات صوایله ، شومادہ حیات ایله جانلانش ، آب بتون زندکانه منبع فیض اولمشا سر و کنہی ادراک بشردن پنہان اولدینی قدر خاصہ سی ، عنصر و جزئلری خدمت و وظیفہ سی ظاہر و عیان اولان بومادہ سیالہ روحزی معرفۃ اللہ اعلا ایدیور . نہ ترتیب حیرتفرانہ قدرت غرا کہ نابش خورشید جهان افروز ایله بنجر ایدر ، سماہ جوہوایہ یوکسلور ، تصفیہ اولنور ، محاب حالی آلور ، تکرار جانب سعادن باران فیض رسان اوله رق روی زمینہ دوکیلور .

نہ حکمت ربانیه کہ صو ایچندہ یشایان لایعد ولا یحصی حیوانات و نباتاتک مدفوعایله اولولرینک چوروکلرندن دکلرل تمفن ایدوبده حیات و صحت عمومیہ مختل اولماق ایچون بتون دکلرل صورت دائمہ طوزلی بولمق اوزرہ املاح ایله مشبوع بر حالہ خلق بیورلمشدر .

- حضرت رب العالمینک نظر اهل ابقانده دہبدم جلوہ کر اولان حکمت ازایہ سیلہ در کہ سحابیارلر اجحہ ریاہ اوزرندہ طیران ایلیورمش کی باشمزک اوسئدہ لاینتقع جولان ایدوب طورلر . کوانشک اشعہ حارہ نی منع ایتک ، اراضی میتہی احیا ایتک ایچون فوقزده دربارل تشکیل ایدرلر .

شو معصرائدن نازل اولان ماء نجاج ایله او اولمش ، قوریمش ، صولمش برلر تازہ جان بولہ رق نشو ونما ایله اهتزازہ کلور . طاغلر ، قیرلر ، درملر ، تہلر چفت چفت نبات کریم ، کونا کون شکوفہ لر ایله برنقش و نکار اولور . بو فیض ایله در کہ جہان روائع عطریا کله طولار ، اغاجلر قباہی سبزورقلہ طونانور . غذالر ، دوالر ایله عالم و عالمیان مستغرق سجت و عاطفت اولور . ما حصل دنیا سرتسر شاد و خندان اوله رق بر روضہ ملاحث ، بر فردوس لطافت کسلیور .

بر طرفدزده باران کرم کولہر ، کوهسارلر درونشدہ بریکور ، الدینی بر فیض نوین ، برخاصہ کزین ایله بریر قیاقلردن فشقیور . کاه آہستہ آہستہ روان اولور . کاهیچہ اوچوروم قبالردن آنیلہ رق کال طنطنہ و عظمت ایله سیلان ایدر . درونمزہ صوقولور ، دفع عطاش ایدرز ، ابدانمزہ تماس ایلر ، طاهر و پاک اولورز . وجودمن انکله زندہ در ، صحت و عافیتمزہ خدمت ایدن اودر . نیچہ نیچہ صائمہ کارکاہلردہ ضعف بشرہ مددرس اولور . چایلر ، ایرملر حصولہ کتورہ رک او کنیش وادیلردہ ترالرمزی ، بوستانلرمزی باغچلرمزی سقی و اروا ایدہ ایدہ طولاشور . نہایت جدا دوشدیکي مأواہ قدیمہ سمت دریای بی پایانہ رجوع ایدر .

الحان حقائق بیانیلہ اهل وجد و حالی دمام غشی ایدن جناب جلال الدین رومی او قطب تر زبان عرفان مثویدہ صو حقندہ نہ ادای روحنوازانہ ، نہ فیض جوشا جوش ایله نغمہ طراز اولیور :

آب ہر این ببارید از سماک

ماہلبدانرا کند از خبث پاک

جناب خداوند حکیم کوکدن صوبی بونک ایچون یاغدیردی کہ بز مردارلری انکله خبث و نجسدن پاک و طاهر ایتسون . « وینزل علیکم من السماء ماء لیطہرکم بہ »

آب چون بیکار کرد و شد نجس

تا چنان شد کارا رد کرد حس

حق ببردش باز در بحر صواب

تا بشستنش از کرم آن آب آب

صو اشیایی تطہیر ایله کننددن خاصہ تطہیر زائل اولوبده رائحہ جہ ، رنگیچہ ، طمچہ نظر حسدہ مردود و منفور اوله حق درجہ مردار اولیچہ

حضرت پروردگار حکیم تکرار آنی دریای صحت کوندردی . صویک صوی اولان الله تعالی آنی اوراده بیقادی . صو دیگرلری تطهیر ایله خاصه سندن معطل و مستکرم اولدقده مسبب الاسباب اولان جناب حق هوا و حرارت شمس ایله آنی بولندیفی محملدن بالایه نقل ایدرک خاصه سنی اعاده بیوردی .

صو اشیانک حیاتی وکندنده مکنوز اولان سر حیات ایسه حیات الهیه نک برتو ولعه سی اولوب انکده حیاتی جناب ذات اقدس بولندیفی ایچوندرکه او مرشد سرائر آشنا حضرت مسبب الاسبابدن ، حیاتک اومنیع حقیقیسندن [آبک آبی] تعیر ایتشد .

سال دیگر آمد او دامن کشان
هسی کجا بودی بدریای خوشان
من نجس زینجا شدم پاک آمدم
بستم خلعت سوی خاک آمدم

جناب جلال الدینک اکثر احوالده معاد عالیبری جمادات و حیوانانی بر شخص انسانی یرینه قویه رق خاصه و منفعلتری کندیلرینه سولتمکدر . بورادهده شو اسلوبه مراجعت ایله صویک خاصه و خدمتتری کندینه سویه دیور . بیوریورکه : او بزدن مفارقت ایدن صو ایرتسی بیل بر فیض جدید ایله بزغش قوشانش اوله رق کلدی . حال آشنالرک [وای ! نروده ایدک ، قنی عالمرد ، جولان ایدیوردک] یوللی خوش باشلرینه ، استفسار مشتاقانه لرینه جواباً دیدی که بن خوشلر ، دلکشلر دریاسنده ایدم . بورادن ملوث کتدم ، پاک و طاهر اوله رق کلدیم . خزینه رحمتدن طهارت و نزاهت خلعتلریفی الدمده شمدی عالم خاکه اوله کلدیم .

هین بیاید ای پلیدان سوی من
که گرفت از خوی بزدان خوی من
در پذیرم جمله زشتیت را
چون ملک پاک دهم عفریت را

تیز یاتمه کلاک ای نا پاکار ! که خوی زرداندن خوی قایدیم ، صفت پاک الهیدن فیض الدم . سزک هب چرکینکلریکری بن اوزرمه الور و عفریت صورت اولان مردارلری تمیزلیرک انلره ملک کبی حسن و ملاححت ویریرم .

چون شوم آلوده باز انجاروم
سوی اصل اصل پاکیا روم
دلق چرکین برکنم انجا زسر
خلعت پاکم دهد بار دکر

تکرار آوده و ملوث اولجه بنه اوستمه روان اولورم . بتون طهارت

ونظرافتلك اصل الاصولی جهته کیدرم . اوراده دلق ناپاکی باشمدن چبقارر ، صرتمدن آثارم . اوشه شاه کرم بنام یکیدن بکا خلعت پاک احسان ایدر . ماحصل بن مخلوقاتک منافی ایچون با اراده الهیه بردن یره انتقال ، حالدن حاله تحول ایلرم .

کار او اینست و کار من همین
عالم آرایست رب العالمین

حضرت خداوند حکیم کار و فعلی بو ، بنم کار و خدمتم ایسه ایشه شودر . بکاخصه تطهیری احسان ایدن جناب پروردگارد ، بن الحق ظاهرده برسیم . حضرت رب العالمین جهان آرادر ، عنایت ربانیه سیه درکه عالم وجود بولمش ، بر نقش و زینت اولمشدر . شو مکنونات باشند باشه جناب خلاق لایزالک آثار علیه سی در . اصل الاصول و مسبب الاسباب عظمت شایله متفرد بولنان ذات اقدس باری در . غیر مدرك اولان طبیعت آثار معقوله نک صانع و فاعلی اوله ماز . طبیعت الحق کندینه تودیع بیورلمش اولان خاصه لری اراده علیه ایله اظهار ایدر .

گر نبودی آن پلیدیهای ما
کی بدی این بارنامه آب را

اول آشنای سر فطرت صوی بو وجه ایله انطاق ایلدگدن صکره شمدی بیوریورکه اگر بزم خبث ولونمز اولیه ایدی صویه بو اجازتنامه ویریلورمی ایدی ؟ بزم ناپا کلکمزدرکه صویه خاصه تطهیرک تودیغه باعث اولمشدر .

کیسه های زربدزدید از کسی
می دود هر سو که بین کومفلسی

کویا صویک الله باد هوادن کیسه کیسه التون گچمشده آنلری بذل ایچون هانی هانی ؟ احتیاجی اولانلر .. دیه هر طرفه سکیردیور . روی زمینه آلتون دوکیور ، برکات و منافع سریور .

یا بریزد بر کیسهای رسته
یا بشوید رویها ناشسته

صو یا خاصه سنی بتمش بر اوت اوزرینه دوکر ، یا که ناپاک اولان یوزلری بیقار . صو باعث نشوونما و سبب طهارت اشیادر .

یا بگیرد بر سرش حمال وار
کشتی بی دست و پا را در بحار

یا خود دریالرده بی دست و پا اولان سفائی باشی اوستتده حمال کبی طاشور . او غرابت نما انیه موج خیزی یوزدیره درک مرسای مقصوده ایصال ایدر .

« ومن آیاته الجوار فی البحر کالاعلام » [۱]

واقعا سفینه بی محمل اولان صویک مقداری تقلنجیه سفینه به غالب کلدیکندن سفینه نیک باتمدینی علم نزه خبر ویریور . فقط اول مقدارده بولسان بر صوبه بومتقابل ثقلت وقوتی ویرن کیدر ؟ بز آردن بحث ایتورز ، مؤثری تحری ایدیورز ، افکار بشرک طبیعتی مطالعه و تدقیق ایدرک تدوین ایلدیکی علوم یالکز آناری ، اشیانک بالتجربه اکلاشیلان کیفیات و خواصنی کویور . لکن اسبابه مسیباتی استلزام ایدیرن خاصه وقوتک نره دن کلدیکنی شرح وایضاح ایده میور . علم بو منتهاده متحیر وخاموش ! ناردده نور وحرارت وار ، لکن نره دن گلش ؟ برقطره آب منفی دن بر شکل بدیع ظهوره کلپور ، فضالری کشفه قدر پرواز ایدن بر ادراکه بو شکل بدیع جولانگاه اولیور ، لکن اصل اولیورده بو حالات حیرتفرانجی ایدیور ؟ علم بو سر مبهم فطرتی کشفدن عجز مطلق ایله عاجز . ایشته بونلر ودها بونلرکی نیجه بیک اسرار عمیقہ عقول سلیمینی بر محکمت عالییه ارشاد ایدیور .

صد هزاران دارد اندروی نهان

زانکه هر دارو بروید زو چنان

انده یوز بیکلرجه دوالر نه اندر ، زیرا مشهود اولدینی اوزره هر دوا اندن تمش ، انکله نشو ونما بولشد . صویک نیجه بیک دوائی محتوی اولدینی هر دوانک اسکله یتشمه سندن نمایان و آشکاردر .

جان هر دری دل هر دانه

می رود در جو چو دارو خانه

صو هر اینجورنک روح و لطافتی ، هر جبهنک مغز وای در . کویا سیار بردوا خانه کی جولرده روان اولور . ایرمقلرده و میاء معدنیه مناسبتنده بتون ذوی الحیات ، بالخاصه مخلوق مکرم ایچون برکتلر ، نعمتلر ، شفاقر آقار .

زو یتیمان زمین را پرورش

بستکان خشک را ازوی روش

برک یتیلری [یعنی اشجار و نباتات] انکله پرورش بولور . انکله درکه بستکان خشک [یعنی سکان ارض] حرکته کلور . صو عالم نباتاتک حیات نامیه سنه ، ذیروحلرک حیات وحرکتلرینه خادم قلمشد .

خانک ضعی و شینک سکونیه یابس معاسنه اولان « خشک » بوراده محازا ارض معناسنده مستعملدر و « بستکان خشک » حیوانات

[۱] سوره شوری - آیت ۳۲ . جناب حقک آیات وعلامه قدرتنددرکه بلند طاغیر کی کیلر دریاده بورر ، دیگدر . آخرنده یاء ایله « جوارى » ویاخود آیت کریمه ده اولدینی اوزره تخفیف ایچون یانک حذیفه « جوار » ، کی معنسه کان « جاریه » نک جمی در . الفک فحوله اعلام : علمک جمی در . فتمین ایله علم : باند ویاخود مطلق طاغ معناسنده در .

ارضیه دن کنایه در . اشجار و نباتات کندی کندیلرینه بیویوب کویا حاللری یتیلره آندیردیغندن جناب مولانا آنلره [یتیمان زمین] الحلاق بیورمشدر .

فریاد استمداد

استعانت آب ازحق تعالی جل جلاله بعد از تیره شدن . صو بولاندقدن صکره خداوند عالم عزشانه حضرترلندن فریاد ایله استمداد واستعطافی .

چون نماند مایه اش تیره شود

همچوما اندر زمین خیره شود

ناله از باطن برارد کای خدا

انچه دادی دادم وماندم کدا

وقسا که صویک مایه فیضی توکونوب کدورتپذیر اولور و بزم کی زمینده واله و حیران قالور ، زیرقدم عزتده درونندن ناله و فریاد ایدرک عرض بارگاه رب کرم ایلرکه ای عنایت بکتر ! لطف و کرمکی کدایان باب احسانکه بذل و نثار ایتدم ، فقیر و بی نوا قالدیم .

ریختم سرمایه بر پاک و پلید

ای شه سرمایه ده هل من مزید

پاک و ناباک ، رشید و کمره دیمیوب جلهبی وایه دار احسانک قلدیم . ای فیاض عالم ! مزید لطف و کرم یوقی ؟

ابر را کوبد بر جای خوشش

هم تو خورشید را ببالا برکش

راههای مختلف من راندش

تارساند روی بحر بی حدش

بودم فریاد استعطافده فرمان کبریا ظهوره کلورکه سحاب ! سن آنی مقام دلکشه کوتور ، نده ای شمس ! بالایه چک . انلرده صوبی مختلف بوللردن سوردرک بحر بیکران جهته اتصال ایدرلر . صو خدمت ووظیفه منی اتمام ایلدکده هوا وحرارت شمس ایله تکرار بالایه یوکسه لور . تحولات و انقلاباندن صکره ینه بحری پایانه طوغری عودت ایدر .

صویک ماهیتنده وشو دوران دأئنده خدانک عظمت قدرتی ، حکمت علییه سی کمال شمشعه ایله منجلی اولمیورمی ؟ شو معنای عمیقہ ایما ایچون بوترا نه عرفان ، بوفریاد محرق ، اهل وجد و غرامه ، سرار جویان ارباب تفکره نه سویلیور ؟

متوی

ای برادر توهمان اندیشه

مابقابت استخوان وریشه

کر کست اندیشه توکشی
و ربود خاری توهیه کلخی
هر چه جز عشق خدای احسنست
کرشکر خوازیست آن جان کندلست

برکت زاده اسماعیل حقی

هرسکلی عارف حکمت

عمری قوشقله ، دیدیم کله کچن خانه خراب ،
اقشام اولمازی ، قالیر دوشدیک یردہ بی تاب .
بن . . یلم نہ صباحیدی چیقوب لانه مدن ،
دانه چین اولق ایچون سی سفیلانه مدن ،
صاغه قوشدم ، صوله قوشدم ، تپہ لردن ایندم ؛
کچ وقت اولدی . . بولوب قوی توجه بریر سبندم .
کوندوزین طورمایان آوارہ لک نومی سبات
دنیلن براویوشوقلق اوله جق کن هیات ،
اویقو امکائی سلب ایلدی جسم اوکیجه . .
قورو برتخته نک اوستمه تکرلندکجه ،
عصبی بیک هیجان قبی ازمکده ایدی :
واهمم اورته ده بر قاجمه سزمکده ایدی .
خاکدان ستره سودای شب آلتندہ حزین
برمہاتله ایدرکن خی اوہام کزین ،
مادیات ایله روح اوله رق ہم آہنک :
اوقارا کلقده کسیشدی خیالم شبرنک !
قارشیدن ہر مہشہ برسروی قدر موحشدی !
ہب مزارلقدی نکاہمدہ مشاجر شیدی !
درہ لر عمر بشر واری آقوب کتندکجه ،
اوتہ دن طاغلری تابوت قیاس ایتدکجه ،
بايقوشک نوحہ سی تنقین ایدی کویاکہ بکا !
روح مدہوشمہ مقبر کی طارلاشدی فضا .
اوکیجه بیہوش دوشوب کندیمی اولمش صاندم . .
صوکرہ برسوق طبعیہ ہان داوراندم .
بلکہ برہمدم آراردہ بولورم امیددی
بکا مجنون کی وادیلری دور ایتدردی !
کیم اولور ہیچ او وحش دم نہایتیدہ ؟
اوزمان غرب بیله شرق کی خوابیدہ !
بالکیز انجم ، اوملیارلہ مصایح ازل ،
اوقنادیل ضیا کستر نور اول ،

زندہ داران شبک وجدینہ آگاہ اوله رق
باقیورلردی برر کوزلہ کہ غایت بارلاق .
دونیورلردی بررکشدہ پروانہ کی . .
اونہ لمعیدی ، نہ جذبیدی آمان یاربی !
طالمشم بن او تماشای صفا آورہ دہ ،
کیشتم فجرہ قدر فرقہ وارمق نرہ دہ !
اورتلق آجدی ، قاباندی کوزی ہب اجرامک ؛
اولدی آتاری نمودار باتان خلیامک .
آز زمان صوکرہ اویاندی بوتون ارباب حیات ،
صیریلوب کیتدی کفن واری افقدن ظلمات ؛
یکیدن باشلادی اشباحدہ حس و حرکت ،
آلدی تعطیل ایدیلن سیرینی فعالیت .
بن دہ ترک ایلیرک اولدغ آوارہ یری ،
یورودم حسہ پیرو اوله رق ہب ایلری .

..

یورومز اولسہ ایدم . . آم بلا قارشی ایش :
یولک اوغراغی زیرا بر اوافق چارشی ایمش .
سکز اون اولی کویک بر او قدر قہوہ سی وارا !
بیکلر طوب طولو : قسوت کی چوکش اغالرہ .
کیسہ نک سایہ شاہانہ دہ اندیشہ سی یوق . .
بقال امک ویریور . . ہرشی اوجوزلق ، بوللق .
یاتیور لش کی یرلردہ کنیش برغزتہ ،
قالدیران یوق . . دیدم ، اکچہ بی بولدم ایشتہ :
آتلادم باشدہ کی دیباچہ توجیہائی ،
صوکرہ کوزدن کچبروب شویله « سیاسیاتی »
باقلم باشقہ نہ وار صوکرہ طوغرو دیرکن
اوسینامہ بی طور اقلرہ آدم یکیدن !
« خبر آلدق کہ وفات ایلمش عارف حکمت ؛
ایلمہ سین روحی اللہ غریق رحمت . . »
کی خاییدہ بش اون جملہ معلومہ بوتون
بذل اولنشدی اوت فاضل بکتمانر ایچون !
بونہ دہشتلی خبر ! اولدیمی عارف حکمت ؛
قاباسین دفتر اسلافی دہ آرتق ملت .
اونہ قیمتی وریمہیدی سلفدن خلفہ ؛
حیف ، صدحیف کہ دوشمشدی ید نا خلفہ .